



Tel. 986 76 84 09  
Fax 986 76 84 11

C O N C E L L O  
D E  
**FORNELOS DE MONTES**  
(PONTEVEDRA)

**PROVINCIA DE PONTEVEDRA**  
**CONCELLO DE FORNELOS DE MONTES**

(05/17)

**ACTA DA SESIÓN ORDINARIA DO PLENO DO CONCELLO DE DATA  
DEZASETE DE AGOSTO DE DOUS MIL DEZASETE**

En Fornelos de Montes, a dezasete de agosto de dous mil dezasete, sendo as nove horas, e previa convocatoria para os efectos, reuníronse no salón de sesións da casa consistorial, presididos polo Sr. alcalde D. Emiliano Lage Rodríguez, os concelleiros D.Serafín A. Martínez Martínez, D. Alfonso Ventín Estévez, D. Alfredo Míguez Martínez, D. José Da Silva Vidal, D<sup>a</sup> Gloria Piñeiro Avión, D. Juan Manuel Batista Oviedo, D. José Luis Pazo Orge e D. José Antonio Freaza Pérez, coa asistencia do secretario da corporación D. José M<sup>a</sup> Santaló Rodríguez, para celebrar sesión ordinaria do pleno da corporación municipal en primeira convocatoria.

Non asiste D<sup>a</sup> Gloria Piñeiro Avión.

Aberta a sesión pública polo Sr. alcalde, se adoptaron os seguintes acordos:

**1.- APROBACIÓN Da ACTA DA SESIÓN ANTERIOR.**- O Sr. alcalde, consonte ó sinalado no artigo 91 do Regulamento de organización funcionamento e réxime xurídico das entidades locais pregunta ós asistentes si teñen algunha matización ou aclaración que facer á acta da sesión de data vinte e nove de xuño de dous mil dezasete, distribuída xunto coa convocatoria. Ao non intervir ningún considerase aprobada.

**2.- RESOLUCIÓNS DA ALCALDÍA.**- De seguido dáse conta das resolucións adoptadas pola Alcaldía desde a sesión ordinaria do pleno celebrada o 29 de xuño de 2017, non producíndose ningunha intervención.

**3.- COMUNICACIÓN DE EXECUCIÓN TRIMESTRAL DO  
ORZAMENTO MUNICIPAL CORRESPONDENTE AO 2º TRIMESTRE DE  
2017.**- Dáse conta a corporación do contido da comunicación sobre execución trimestral do orzamento municipal enviada ao Ministerio de Hacienda y Administraciones Públicas, Secretaría General de Coordinación Autonómica y Local, en relación co 2º trimestre de 2017, non producíndose ningunha intervención.

**4.- COMUNICACIÓN DO PERÍODO MEDIO DE PAGO DO CONCELLO  
DE FORNELOS DE MONTES CORRESPONDENTE AO 2º TRIM. 2017.**- Dáse conta a corporación do contido da comunicación do período medio de pago a proveedores do Concello de Fornelos de Montes correspondente ao 2º trimestre de 2017 enviada ao Ministerio de Hacienda y Administraciones Públicas, Secretaría General de Coordinación Autonómica y Local, non producíndose ningunha intervención.



Tel. 986 76 84 09  
Fax 986 76 84 11

C O N C E L L O

D E

FORNELOS DE MONTES

(PONTEVEDRA)

**5.- CONTA XERAL DO ORZAMENTO DO EXERCICIO DE 2016.-**

A continuación dáse conta do expediente tramitado para a aprobación, no seu caso, da conta xeral do orzamento, correspondente ó exercicio de 2016 cos seus correspondentes xustificantes. Vistos os informes favorables da secretaría e intervención, así como o ditame, no mesmo sentido, da comisión especial de contas, previa deliberación para os efectos, na que os grupos políticos dan por reproducidas as súas intervencións efectuadas na sesión da comisión especial de contas de 31-05-2016, acordouse, cos votos a favor dos cinco concelleiros presentes do PSdeG-PSOE, a abstención dos dous concelleiros do Partido Popular e o voto en contra do concelleiro do BNG, aproba-la mencionada Conta Xeral do Orzamento Municipal de 2016 do Concello de Fornelos de Montes nos termos e cifras en que foi redactada.

**6.-ALLEAMENTO POR PERMUTA DUN BEN INMOBLE**

**PATRIMONIAL PROPIEDADE DESTE CONCELLO.-** Polo Sr. alcalde dáse conta ao Pleno do expediente seguido para allear por permuta o ben inmoble patrimonial propiedade deste concello no que constan os documentos esixidos pola lexislación vixente para poder levar a cabo a permuta que se pretende e a conveniencia e necesidade da mesma.

A Corporación, tras examinar o asunto, cos votos a favor dos cinco concelleiros presentes do PSdeG-PSOE e dos dous concelleiros do Partido Popular e a abstención do concelleiro do BNG, ACORDA:

**PRIMEIRO:** Permutar o ben inmoble patrimonial propiedade deste Concello que a continuación se describe:

I.- Finca inscrita no Rexistro da Propiedade de Redondela co nº 4.810 - CRU 36009000477770- figura inscrita ao folio 122 do libro 38, tomo 756 do Arquivo, baixo a seguinte descripción: PARCELA NÚMERO DOUS.- CASA DA ARROTEA - MARÍA-. Casa composta de unha planta de semisoto, en construcción, de corenta e seis metros cadrados e planta baixa, a vivenda, de corenta e seis metros cadrados, sinalada co número 22 de Arrotea, parroquia e municipio de Fornelos de Montes, construída en mil novecentos oitenta e tres e circundado, todo o que forma unha soa finca de oitocentos corenta e nove metros cadrados de superficie. Linda: Norte camiño de acceso e finca rexistral 4.812; Sur, Estrada; Este, finca rexistral 4.809; Oeste, finca rexistral 4.811 e finca rexistral 4.812. Ten o número 14 do Inventario municipal. Referencia Catastral: 36019A020060020001RY. É unha das catro fincas en que se parcela a finca rexistral 3.813, ao folio 87 do libro 29, tomo 261 do Arquivo.

II.- Dita finca figura inscrita a favor do Concello de Fornelos de Montes, tal e como resulta da súa inscrición 1ª, de data sete de abril de dous mil dezasete.

III., Dita finca atópase LIBRE DE CARGAS.

- Valoración técnica: 10.850,00 euros.

O referido ben permutese cos dous que se describen a continuación, propiedade de dona María del Carmen Castro Hermida, con D.N.I. 36.025.093 que adquiriu ambas fincas de don José Antonio Oitavén Meis, por compravenda efectuada ante o Notario de Redondela D. José Manuel González Sáez o doce de maio de dos mil quince:

**PRIMERO:** Finca rexistral 4.795 de Fornelos de Montes - IDUFIR



Tel. 986 76 84 09  
Fax 986 76 84 11

C O N C E L L O

D E

FORNELOS DE MONTES

(PONTEVEDRA)

36009000472690- Ao folio 67 do Libro 38, Tomo 756 do Arquivo. DESCRICIÓN: "FIÁNS GRANDE". Monte sito en barrio Fondo de Vila, parroquia e municipio de Fornelos de Montes (Pontevedra), de setecentos sesenta e dous metros cadrados (762 m<sup>2</sup>) de superficie. LINDA: polo NORTE, con dona María Delfina Naveira Sánchez, Dona María Aniceta Bello Naveira e outro; polo SUR, con dona María Oitavén Rodríguez; polo LESTE, con sendeiro que separa de parcela 277 do polígono 17 de propietario descoñecido; polo OESTE, con cauce de rego.

REFERENCIA CATASTRAL.- 36019A017006220000EP.

SEGUNDO: "FIÁNS GRANDE". Monte sito en barrio Fondo de Vila, parroquia e municipio de Fornelos de Montes (Pontevedra), de catrocentos once metros cadrados (411 m<sup>2</sup>) de superficie. LINDA: polo NORTE, con finca descrita no número anterior; polo SUR, con dona María Oitavén Rodríguez; polo LESTE, con sendeiro que separa de parcela 277 del polígono 17 de propietario descoñecido; polo OESTE, con cauce de rego.

REFERENCIA CATASTRAL.- 36019A017002680000EQ.

Ditas fincas atópanse LIBRES DE CARGAS

Valoración técnica: 10.850,00 euros.

A necesidade e conveniencia desta permuta xustificase en que, ditos terreos lindan coa praia fluvial de Portovilán, e resultan imprescindibles para que o Concello de Fornelos de Montes continúe a mellora das instalacións municipais de dita praia fluvial. Por oura parte, debe terse en conta que con autorización municipal, e para resolver un problema de infravivienda, doña María del Carmen Castro Hermida construíu con fondos propios e donativos de particulares, a vivenda sita na parcela municipal que se permuta, na que habita desde entones.

SEGUNDO: Someter o expediente completo a información pública durante o prazo de 20 días hábiles mediante anuncios que se publicarán no "Boletín Oficial" da provincia e no taboleiro de edictos do Concello de Fornelos de Montes.

Se durante o prazo de exposición pública non se presentan reclamacións entenderase acordada a permuta definitivamente e elo sen prexuízo do que se indica no apartado seguinte deste acordo.

As reclamacións que se presenten serán resoltas polo Pleno deste concello.

TERCEIRO: Remitir o expediente completo á Xunta de Galicia para os efectos de dar cumprimento ao establecido na lexislación vixente sobre dación de conta dos alleamentos de bens patrimoniais.

CUARTO: Conforme á normativa urbanística vixente neste municipio o destino urbanístico do ben inmóvel obxecto de permuta é vivenda unifamiliar, e o correspondente ao ben que se adquire é dotacións da praia fluvial de Portovilán.

Se a diferenza de valor dos bens obxecto de permuta fose favorable ao concello o seu importe ingresaría na Tesourería Municipal e destinárase a financiar os investimentos de dotacións na praia fluvial de Portovilán.

QUINTO: Facultar ao Sr. alcalde para que proceda ao outorgamento do correspondente contrato de permuta e, no seu caso, elevación a escritura pública.





Tel. 986 76 84 09  
Fax 986 76 84 11

C O N C E L L O

D E

FORNELOS DE MONTES

(PONTEVEDRA)

**7.- MOCIÓN DE URXENCIA:** De seguido, ó abeiro do artigo 91-4 do Regulamento de organización, funcionamento e réxime xurídico das entidades locais, o Sr. alcalde pregunta se algún grupo político desexa someter á consideración do pleno, por razóns de urxencia, algún asunto non comprendido na orde do día, non presentándose ningunha.

Acto seguido, o Sr. alcalde presenta a seguinte, que debeu incluírse na orde do día e que por dito motivo a corporación declara de urxencia por unanimidade:

**7.1.- NOVAS SOLICITUDES DE SUBVENCIÓN EFECTUADAS POLO CONCELLO CON CARGO AO PLAN CONCELLOS 2017 DA DEPUTACIÓN DE PONTEVEDRA.**

**Para cumprimento das normas da Deputación de Pontevedra en relación co PLAN CONCELLOS 2017, dáse conta ao pleno da corporación do seguinte acordo da xunta de goberno local de 18 de xullo de 2017, relativo a solicitudes de subvención presentadas á Deputación de Pontevedra con cargo ao Plan dos Concellos 2017:**

**"3.1.- RENUNCIA Á SOLICITUDE DE SUBVENCIÓN CON CARGO AO PLAN DE OBRAS E SERVIZOS (PLAN CONCELLOS) 2017 DA DEPUTACIÓN DE PONTEVEDRA PARA REFORMULACIÓN.**

**RECIBIDAS AS NOTIFICACIÓNS DA XUNTA DE GALICIA DE CONCESIÓN DE SUBVENCIÓN PARA "MELLORA DA ACCESIBILIDADE NA PRAIA FLUVIAL DE PORTOVILÁN" E, CON DATA 14-07-17, PARA "AMPLIACIÓN DAS DEPENDENCIAS DO CONCELLO E CAMBIO DE CUBERTA", E TRATÁNDOSE DE OBRAS DE ESPECIAL PRIORIDADE PARA ESTE MUNICIPIO QUE DEBEN ESTAR EXECUTADAS EN OUTUBRO DESTE ANO, UNHA O DÍA 1 E OUTRA O 31, NON CONTANDO COA TOTALIDADE DA ACHEGA MUNICIPAL PARA DITAS OBRAS E ANTE O LIMITADO DOS PRAZOS, A CORPORACIÓN ACORDA:**

**PRIMEIRO:** Reformular a solicitude de subvencións para investimentos con cargo ao Plan Concellos 2017 da Deputación de Pontevedra, desistindo do procedemento de solicitude de subvención para a obra de "Mellora de pavimento e drenaxe en Camiño Alto de Cima de Vila" e renunciando á subvención concedida para dita obra por importe de 20.000,01 euros, para destinala, efectuando novas solicitudes de subvención, a enfrentar as achegas municipais ás obras subvencionadas pola Xunta de Galicia, antes citadas, co seguinte detalle:

**Ampliación das dependencias do concello e cambio de cuberta**

Orzamento total: 49.999,66 euros

Subvención Xunta de Galicia: 33.057,62 euros

Subvención Plan Concellos 2017: 16.942,04 euros

Resto de achega municipal: 0,00 euros.

**Mellora da accesibilidade na praia fluvial de Portovilán**

Orzamento total: 51.734,23 euros

Subvención Xunta de Galicia: 38.034,93 euros

Subvención Plan Concellos 2017: 3.057,97 euros

Resto de achega municipal: 10.641,33 euros.

**SEGUNDO:** Dar conta ao Pleno na primeira sesión que se celebre."



Tel. 986 76 84 09  
Fax 986 76 84 11

C O N C E L L O

D E

**FORNELOS DE MONTES**

(PONTEVEDRA)

**8.- ROGOS PREGUNTAS E INTERPELACIÓN.-** De seguido, abriuse a rolda de rogos, preguntas e interpelacións, presentando D. José Antonio Freaza Pérez as seguintes:

" Propónolle ao Señor Alcalde, cambiar de una vez por todas a luz do alumeadoo público en par Amaro e Traspielas a través de algunha subvención ou con orzamento propio, xa que a día de hoxe en estes dous barrios a intensidade da luz varía moito, e sempre é escasa e deficitaria.

Pregúntolle ao señor Alcalde de que se trata o pago por subministración de Gafes, sopas e refrescos da ruta ciclista Gran Bikedada na parada do Embalse de Oitavén. ¿A que se debe este patrocinio por parte do Concello?

Pregúntolle ao Señor Alcalde por que se empeña en gastar os cartos públicos na adxudicación do contrato de subministro de equipamento e adaptación de instalación municipais a administración electrónica, cando fai uns meses a Deputación ofrecía este mesmo servizo para todos os Concellos e sen custe ningún.

O Sr. alcalde facilitalle as seguintes respostas:

O alumeadoo público de Traspielas é igual ao de todo Ventín, de tamén a intensidade.

O concello colabora coa Bikedada por que é unha voa idea que atrae xente a Fornelos e procuramos apoiar todas as iniciativas que fomentan o turismo en Fornelos.

Infórmese mellor, a Deputación colabora co programa informático, pero non pon ordenadores nin instalación eléctrica axeitada etc. Este concello vai a tódalas convocatorias de subvención da Deputación, se podemos achegar a parte que no se caso nos esixan.

E, ó non haber outros asuntos de que tratar, o Sr. alcalde declarou finalizado o acto e a sesión rematou sendo as nove horas e quince minutos do mesmo día expresado ó comezo, de todo o cal eu, o secretario, dou fe.

**O ALCALDE**

**O SECRETARIO**

